

Oblici cjelodnevne škole - popodnevni boravak u školama Tirola

Ganztägige Schulformen - Schulische Tagesbetreuung in Tirol

Dragi roditelji i staratelji!

Zbrinjavanje djece zauzima veoma značajno mjesto na listi prioriteta u Pokrajini Tirol. Ne samo za porodice u kojima su oba roditelja zaposlena nego i za samohrane majke koje su u radnom odnosu, želimo staviti na raspolaganje savremene, povoljne, fleksibilne i prema potrebama orijentisane mogućnosti zbrinjavanja djece.

Pored brojnih vrtića (*Kindergarten*) koji su proširili ponudu prijema i djece školskog uzrasta u popodnevni boravak, te dnevnih prihvatilišta (*Hort*), koja već godinama postoje, pokazalo se da **kod djece i roditelja jako dobar prijem ima i zbrinjavanje učenika u toku podneva sa popodnevnom boravkom u školi** (*schulische Tagesbetreuung*).

Uvođenje popodnevnog boravka u školama je uspješan primjer prilagođavanja škole kao institucije prema društvenim promjenama. U centru pažnje su potrebe djece i roditelja. Pokrajina Tirol ima za cilj forsiranje razvoja ponude cjelodnevnih, te škola sa popodnevnom boravkom u javnim osnovnim školama.

Ponuda za zbrinjavanje u obrazovnim ustanovama za rad sa djecom treba biti proširena, kako u povećanju broja mjesta za učenike, tako i u dužini radnog vremena. I nadalje neće postojati prinudni cjelodnevni boravak u školi („*Zwangstagsschule*“) nego sloboda izbora.

Stoga će i u dolazećoj 2021./22. godini biti ponuđen popodnevni boravak u školi Vašeg djeteta, u slučaju ako dovoljan broj prijava pokaže potrebu za istim.

Djeca u Tirolu su u svojoj školi, kao sigurnom okruženju, data na povjerenje i brigu stručnjacima u domenu pedagogije. Oni ne samo da ih uče čitati, pisati i računati, nego i svojim angažovanim zalaganjem podstiču razvoj talenata kod učenika i time posreduju otvornije perspektive za mnoštvo šansi koje se u životu pružaju.

U slučaju da Vaše dijete treba popodnevni boravak u narednoj školskoj 2021./22. godini, **sada je vrijeme za prijavu.**

Srdačno Vaša
Dr. Beate Palfrader

Informativni letak

Prijava

U slučaju da kao roditelji tj. staratelji želite prijaviti svoje dijete za popodnevni boravak u školi, molimo da predate jednu prijavu po djetetu u direkciji škole, najkasnije do **petka 18.06.2021.** godine. Vaša **prijava ne znači automatski** da će taj vid rada sa djecom biti organizovan i u školi. Jer ako u mjestu stanovanja postoji adekvatna alternativa (kao npr. dnevno prihvatilište ili vrtić sa prihvatom djece školskog uzrasta), u tom slučaju mjesne vlasti nisu dužne organizovati dodatno i popodnevni boravak u školi.

Važno: kod prijave **ne morate navoditi koliko dana i kojim danima** u sedmici dijete treba posjećivati popodnevni boravak u školi. Morate samo naznačiti da li će Vam biti potrebno zbrinjavanje djeteta u **popodnevni boravak do 16:00 sati, najmanje jednom sedmično.**

U kom slučaju će popodnevni boravak biti ponuđen u školi?

Popodnevni boravak u školi mora biti organiziran kada se **prijavi minimalno 15 učenika, neovisno od toga za koji dan boravka i na koliko dana sedmično** su djeca prijavljena. U vanrednom slučaju i uz odobrenje mjesnih vlasti, moguće je i za manji broj učenika ostvariti ovaj vid boravka djece u školi.

Predviđene aktivnosti

Popodnevni boravak u školi sadrži vrijeme predviđeno **za ručak, učenje i slobodno vrijeme.** U toku učenja i izrade domaćih zadatka, nadzor nad djecom ima nastavno osoblje. U vrijeme ručka i slobodnih aktivnosti učenici mogu biti pod nadzorom istih, ili pak pedagoga i odgajatelja koji ne predaju u nastavi.

Djeca različitih uzrasta tj. razreda formiraju grupu od maksimalno 19 učenika. Na osnovu preporuke Direkcije za obrazovanje u Tirolu (*Bildungsdirektion für Tirol*) djeca ne treba da imaju obaveze vezane za učenje nakon 16:00 sati. Time se želi omogućiti da roditelji mogu **fleksibilno preuzeti djecu nakon 16:00 časova.** Ako roditelji moraju preuzeti učenika iz boravka, prije kraja radnog vremena, moraju lično/osobno doći po dijete.

Cijena

Mjesne vlasti (*Schulerhalter bzw. Gemeinde*) određuju **visinu cijene zbrinjavanja i ishrane.** Taj iznos se može reducirati ako učenici provode sedmično samo pojedine dane u boravku. Maksimalna granica predviđa u cijeni pokrivanje osnovnih izdataka. Tom iznosu se dodaju troškovi ishrane (cijena ručka umnožena brojem dana u boravku). Mjesne vlasti mogu odustati od naplate cjelokupnog ili djelimičnog iznosa, u odnosu na primanja, imovinsko stanje ili familijarne konstalacije.

Odjava od popodnevnog boravka u školi **je moguća samo na kraju semestra ili na kraju školske godine.** Detaljnije informacije: www.tirol.gv.at/schulische-tagesbetreuung